

賞雨茅屋詩集

賞雨茅屋詩集卷之九

盱江 曾煥 賓谷

古今體詩六十四首

南海神廟

萬古通南極天開甲子門宅從羲叔定神次祝融尊滌
泮三洲浸周迴百越藩勢驕東海鼉吹徙北溟鯤珠白
騰宵月珊瑚射曉暎風濤龍戶聚煙雨蠻人繁阻絕秦
關道迎來漢使軒樓船趨下瀨琛賫入中原霸業干戈
洗王封俎豆存木綿栽幾代銅鼓震諸番殿壁雲噓氣
階除汐過痕韓碑文照耀蘇碣字飛鸞昨患荏苒澤今

成稻蟹村

聖人方御宇波靜夏休翻

七月七日吳白菴招飲越秀山上卽席奉酬兼寄

江淮故人

天上女牛會海南分野當遙瞻碧落間奕奕有神光雙
星離復合一歲率爲常柰何我良朋三年天各方良朋
在東海雲水莽空蒼相望不相見豈惟河漢長風濤日
夕多欲駕苦無梁之子獨能來登然慰遐荒飲我明星
酒報我雲錦章使我醉且歌茲辰庶爲良卻憶揚子津
秋禊集冠裳

曩在廣陵每以七月舉行秋禊

冠裳半仙衣存者鬢亦霜

願向天孫乞各壽且康合并自有期毋怨參與商

金花神廟

金花神傳是南漢時女巫溺死宮池後人祀之求子甚有驗

玉皇親降昌華苑侍從仙人清且婉翩然獨自入瑤池
哭殺當時諸女伴亭亭羅襪凌波軟指點前塵欲腸斷
已聞汴邸進珠鞍又見昭陵出金盃三山縹緲貝宮開
士女紛紛瞻拜來淚灑湘妃斑竹死歌傳麗玉篴篥哀
呼鸞道上呼鸞至拾翠洲邊拾翠回不識真靈何位業
相沿歷世祀高禰巫媪迎神代神語自矜神是吾儕祖
茉莉花釵椰葉裙荔支漿盃枇杷脯東家養女名珠孃
西家養兒作珠賈神光髣髴相延佇門外青天飛海雨

敬贊禪月所畫大阿羅漢

牀空四大屣脫萬劫閉口不言本無言說試問如何是
第一機維摩一掌其示諸斯

南海神廟伏波銅鼓歌

海外人知拜銅柱海中神好聽銅鼓鼓于何代沈蛟宮
馮夷涌起厓門風金景一輪初出浴木綿花似搏桑紅
有時晴晝轟雷霆海神號令威百靈靈夔不吼鼉不鳴
祝融之汪萬里清真臘暹羅各夷種隔洋聞者皆驚悚
伏波赫赫今有聲遺器猶令海山動想當交趾進兵日
擊鼓其鏜人奮勇昨來羣盜聚萑蒲憑仗神威悉掃除

龍戶馬人喜相告從今津吏免援桴

宮保百公平定海寇全境肅清敬呈四律

蕩蕩旌門海色新策勳有

詔下

楓宸羊公作傅征南日

恩加太子少保銜

魯國封侯拜後人

世襲

輕車都尉

儀羽重加金孔雀

恩加雙眼花翎

天心已賜石麒麟

公未得子故云

還聞

御筆親期許保爾長生極貴身

公奉

殊批有福祿壽綿長又長增福壽之

語

君恩如此信殊榮公有謀猷答

賞雨茅屋詩集卷之九

聖明豈但大夫能作賦從來儒者號知兵子儀一出番
夷拜黃霸重臨渤海清迴想炎洲氛正惡風濤滿地縱
蛟鯨

三門日夕羽書馳手握龍韜兩鬢絲橫浦關前潮怒候
籌邊樓上月高時調和瘴癘蛟人共忠信生平海若知
誰料廿年難了事奏功纔是一年期

公殊不喜轉憂淡蠻俗難馴匪自今已遣風雷驅鱷患
更將桑椹變鴟音一方始有耕漁樂諸島潛消反側心
試看伏波功不朽廉州銅柱表千尋

和宮保百公病中夜坐遣懷之作

家家歲火競然薪節使門前冷絕塵誰信伏波橫海將
祇如臥雪閉關人一心爲

國無窮事四海祈公不老身龍馬精神須愛惜邇來病
骨瘦嶙峋

送西庚學使得代還

朝二首

奎壁星明兵氣銷三年教化在風謠雁迴庾嶺方殘臘
鷺轉

皇州待早朝射策當時推賈董讀書今日徧黎猨廟堂
正藉經綸手寧獨文章似海潮

煙月揚州兩主賓梅花萬樹酒千巡

煥爲兩淮運使公
主講梅花書院

竭來重話青春事相見都驚白髮人
君公前途禁雨雪我從下界望星辰
蠻方自古稱難治欲避賢才乞病身

長歌行簡謝太史

蘭生

崔孝廉

弼

老夫於學雖不敏天下才人相識盡
天南萬里越王臺舊雨不來今雨來
燕寢清香一尊酒眼中復得謝與崔
謝公息意鎮浮囂正色不教朱紫淆
崔子商歌出金石豪氣不爲飢寒消
天下詩壇盟狎主有如霸國齊更楚
番禺軍府在偏隅乃與中原抗金鼓
勝朝作者前後七南園先生前後五
末季鍾譚已就衰於時屈鄭猶追古

國初盛稱梁與陳吾欲配以程湟漆比者魚山藥房好
吾尤推服黎簡民憐我來遲簡民死魚山藥房亦已矣
謝崔常不減前人今得見之差可喜謝公不詣承明廬
崔子亦不登公車且與鄉人同講學人人將握靈蛇珠
人人將握靈蛇珠嗟哉此意誰能如

有黃生

培芳

者嘗居明福洞以所著浮山小志示

余適崔孝廉

彌

貺以山中所產黃精甜茶及青

藤杖謝太史

蘭生

因爲作瑤石聽泉圖並繫以

詩三君皆有邀入羅浮之意賦此答之

浮山自合羅山來日上南樓千萬迴得道惟聞抱樸子

奈何近世無仙才山靈示人仙可學山上多生不死藥
黃精爲飯駐容顏蒼藤作杖健腰腳更有穉川手植茶
味甘如醴如露華想在丹沙伏火日用之灌腦成河車
坡翁啖芝復啖棗種藥自矜嚼珠寶生平豈是未聞道
往往眞言發天藻南來誓欲此山老何以不能金石保
吾聞鄭隱從葛元還以丹術傳穉川此中元妙秘不宜
服食豈可求神仙鄭隱其人今有否雲游或到雲谿前
咫尺蓬萊好尋覓願與諸公同躡屐香風吹過梅花村
且聽流泉坐瑤石

觀湖 紹寧 羅浮遇仙圖題一絕句

借問洞中人何來復何去君試重相訪梅花最淡處州傳
黃仙有一墮人間千歲
猶愛梅花未歸之句

題光孝寺

越王宮殿梵僧寮浩劫茫茫霸氣銷六代風煙訶子樹
五夏鐘磬海門潮動名幾輩標銅柱老死何人度鐵橋
堂上祖師應笑我君今白髮已飄蕭

韓桂舫中丞聽雨圖

伏波勳業正封侯苦憶居鄉有少游況是十年前約在
畫中人已雪盈頭

桂舫中丞種梅圖

蠻煙瘴霧一掃空嶺南萬戶皆春風粵人迴憶往時苦
謂公著手如化工化工著手在何處稂莠盡除嘉穀樹
天心仁愛有冰霜地力栽培資雨露唐朝都督宋廣平
德政同公今有名傳道心腸如鐵石梅花一賦何多情
公亦多情被花惱欲插千枝向晴昊江南江北夢魂遙
銅井銅甌籬落好粵人聞之亟勸畱慎勿以此生鄉愁
庾嶺尙堪移數樹不然試作羅浮游

桂舫中丞聽雨第三圖

還讀齋中方讀書

還讀齋中丞
著中所顏

中宵風雨聲蕭疏悵然

重披聽雨圖故山青翠煙模黏吳江寒雨連太湖有小

林屋吾家居紫薇一株梅一株

均見韓太翁聽鐘樓集中

間以松桂

環茅廬

中丞少時齋名讀書松桂林

少時趨庭兄與子伯仲師友同

二蘇中年輒述常分驅對牀有約當遂初畫圖一再明

區區老親題句傳當途樂餘東老樂有餘

樂餘東老韓太翁自號也

維時叔也齒尚雛季也甫能識之無一從遠宦天南隅

白雲遙望心鬱紆昨年綬章朝

帝都得

旨省親還里間伯兄侍奉康且娛三弟居然偉丈夫松
桂林中硯席俱不減伯仲之勤劬別來忽忽時憶渠此
是吾家千里駒池塘春草客夢孤十年舊畫宜重摹中

丞之言有是夫使我讀書徒歎歎我有靈椿棠棣皆早
枯故園三徑今已蕪安得如公至樂乎韓家桐木方榮
腴

題伊墨卿秋水園圖一絕

披圖先問揚州鶴

圖中雙鶴蓋余離揚州時所畱贈者

今日應知勝我家

賞雨何曾有茅屋畱春真箇種梅花

園有畱春草堂梅花書屋

次韻和墨卿再到海南

江淮舊雨多分歧得子題襟似答時秋水新臨輞川畫

墨卿以秋水園圖索題

春風重覓羅浮詩我雖處世類鳩拙君不

還山愁鶴飢

謂秋水園雙鶴

人生離合了無定尊酒且同斟酌

之

與伊

乘綬

邱

先德

劉

彬華

謝

蘭生

葉

蘭成

張

維屏

江之紀

陳

曇

集光

孝寺謝

蘭生

枉贈

長句賦答

并簡諸君

風幡堂上論詩泐佛與文人同慧業溯從兩漢逮三唐
奚啻一花開五葉佛門今已無慧能詩家今亦無少陵
泐嗣猶多述其祖火傳不盡光明燈往時南園後五子
訶林淨社結於此復聞陳屈繼宗風嘗與王朱聯逸軌
誰得皮毛誰骨髓同飲曹谿一滴水我今酬唱得諸公
香火前緣亦淡矣酒酣日暮風雨來古人不見令人哀

聞道菩提千載樹一朝摧折爲枯柴何況世俗之凡材
朝榮暮落隨塵埃幸有新枝接舊本語僧丞爲培根莖

訶子行弔虞仲翔

訶子訶子何寵蔥南州桂樹湘芙蓉美人離憂此焉處
坐憺往日悲回風會稽竹箭名天下得而有者惟江東
君臣際會果相得孔明廟柏柯青銅骨體不媚猶能容
桓王當日眞英雄奈何簡子惡周舍欲學曹瞞收孔融
信知才大難爲用家寶棄置蠻荒中蠻荒草木殊莽莽
應覩物狀知化工祖黎楸柏易斬伐匠石未許天年終
訶林乃與樗櫟同擁腫拳曲無所庸其大百圍陰長穢

下築先生一畝宮想見譚經授徒日晨昏硯席煙濛淞
先生去後遺愛在相此嘉樹敢不封湛湛長江上有楓
招魂宋玉悲無窮

張南山以詩謝問耳疾次韵酬之

夙簪傷心黎簡民草堂詩在爲哀呻卻逢松下清齋客

南山所居曰聽松廬而訶林之會方以耳疾戒酒同結訶林淨社因吾輩千篇

皆口業人生一病是閒塵用坡公答秦太虛見戲耳聾詩意君能解脫

須開戒日飲羅浮萬戶春

擬古

海水知天寒嶺梅知歲晏念我遠方人朝朝犯霜霰霜

霰日已多敝裘誰補綻思得平安信蠻荒無朔雁逝水
不及回落花不容玩把鏡空自驚衰顏與年換

題吳生

毓鈞

聞雞起舞圖

吳生爾與誰對舞爾舞且休聽吾語如今天下方太平
人才何必劉與祖劉祖當時亦良苦曉曉之鳥傷風雨
欲從齊國效先鳴未若尸鄉棲短羽知爾少年才蚤成
奇氣磊落胷崢嶸室中起舞殊偏側盍與吾公觀南溟
吾嘗夜泊扶胥口海天瀕洞煙冥冥夜半天雞初發聲
樓船簸蕩知潮生此時獨登浴日亭暗中忽有光熒熒
砉若匣開出青萍倏如霞起標赤城須臾萬龍耀鱗甲

海水怒沸如雷轟轟雷稍稍散空外金景已向東隅升
此際山阿晞我髮此身髣髴居蓬瀛下觀塵世一大笑
醯雞甕裏天未明劉琨祖逖成何名期爾汗漫游太清

贈陳仲卿

五色海南雀人稱小鳳皇古來不易見坡公以爲祥我
百不如公粲粲來我堂知我有夙好音聲與文章文章
誠藻耀音聲如玉鏘曷不覽九州公作千仞翔紀官從
少睥賀世從軒皇稱名柰何小小知此一鄉南冥有大
鵬變化殊難量吹息固隨運培風宜有方詎同蜩與鷺
決起搶榆枋

讀仲卿海騷因題簡端

交廣故楚庭謳吟多楚聲
工愁復善怨無過陳仲卿
擬騷良已苦讀騷難爲情
問君何爲然君亦不自明
古來爲楚辭我能舉其名
以意逆其志皆得其平生
荀況沏蘭陵荆軻過易水
項王別美人漢帝舍愛子
長門或澆閉團扇或輕委
烏孫或不歸青塚或竟死
亦有賈太傅投文湘水流
亦有王公孫作賦荆山樓
湖州訟風伯乃爲雲雨愁
桺州招海賈乃爲舟航憂
此情均可傷此類蓋非一
吾于千載人獨不解長吉
本無騷人遇而有騷人筆
懷古何綿綿傷時何戚戚
前賢萬行淚盡向錦囊

出仲卿將毋同吾勸君不必豈不聞李生幽憂迺致疾
贈君無爲藥飲君澹泊湯安君恢廓宇坐君寂寞牀匪
惟延壽命事業不可量賡歌到虞廷此道其大光

張南山貺梅花并繫以詩長句奉報

聽松廬外孤松古正要梅花相嬾媿張郎裁詩作花骨
坐使荒寒變陽煦西谿漁隱青芝翁

西谿漁隱青芝山下種花翁皆澳自

號生與此花臭味同會臥白雲三萬頃屢招明月七十

平峯東閣官梅竹西路春風一十五回度吹笛飛過黃

鶴樓夢魂忽繞羅浮樹北枝南枝逐歲新老卻南來北
去人張郎有意慰衰暮特遣健步移雙身羨君詩好花

亦好玉照之堂徑須造

答來書意

既有松梅同歲寒何爲作

客長安道

題伊母黃孺人傳後

孺人福建寧化人今廣東候補知縣伊進士雲
崧之曾祖母也年二十七而寡事翁姑撫二孤
旣而翁姑二孤皆死惟一孫尙少孺人目遂瞽
時年七十至八十二而孫生二子孺人喜有曾
孫而目復明八十六歲卒吳徵君賢湘爲之傳
雲崧請題

伊生手持一卷文嗚咽敵詞泣如雨雲崧今日幸成名

恨不得見曾大母母也當時淚眼枯爲有曾孫開阿堵
不知地下瞑目無試攬斯文悉其苦曾生讀罷倍酸楚
天假母年猶見汝吾家祖母喪吾祖苦節卅年天不祐
曾孫未生蚤棄世孫也成名亦未睹吾輩爲官遠邱墓
有淚莫灑山頭土何以報慰先代靈無告窮民須善撫
次韵戲酬香海香海近講養生之術故詩云云

揖武夷君出洞天幔亭峯月幾回圓應知句漏丹沙好
來向羅浮覓穉川

天台洞口桃花香自送劉郎春日長遮莫游仙終汗漫

花飛片片減春光

香海有妾
寄居浙西

酬顧劍峯浴日亭詩用坡公韻

望裏江東共一天空吟海日似王灣
茫茫南極環周地舊唐書禮儀志曰北極當暑度循半日南極當暑度環周
點點中原盡處山欲向陽
阿睇白髮好迴算景駐朱顏
君家震澤堪垂釣便擬相
隨煙霧間

贈顧劍峯

我招君看匡廬雲雲氣九疊爲君文
我招君看滄海日日光萬丈入君筆
李白韓愈久不生廬山不仙海不靈
未知前身我誰是與君握手三千齡

劍峯集中頗多香奩詩戲效坡公贈張子野之作

以調之

我笑東吳顧文學才癡兩絕是家傳銀鉤柘彈遊春曲
雅步纖腰贈婦篇芳草樓前愁啟戶采蓮谿畔憎迴船
玉山他日開文讌定有瓊花醉老仙

與劍峯石生香海野樵夜話卽事

一燈窗外雨翻河窗裏譁然雜笑歌詩思忽如春水長
故人己似落花多論詩及揚州題襟舊事羈棲世網憐吾在寂寞
天涯喜客過杜預頻頻勸歸去未能歸去欲如何

與劍峯石生香海論服酒養生次劍石皆有詩而

香獨無爲賦一絕

江淹近作丹沙賦顧況旋爲玉佩歌不省懷州司馬意
白頭杯酒興如何

題管夫人墨竹

孤根何處剩龍孫記得江南禹會村一片鷗波天水碧
湘娥無復舊啼痕

和劍峯望羅浮歌

恨君不如葛稚川恨我不如鮑太元羅浮咫尺未能上
恐君與我無仙緣君欲移山向中原愚公之愚孰見憐
君家豈少學仙處三茅林屋皆洞天高霞孤飛月孤照
白雲誰侶松誰攀蓬萊方丈如可徙秦皇早使神人鞭

自古山川有間阻穆王王母猶悲焉南城有山曰麻源
石磴之間瀉紅泉往者嘗棲肥遯賢我不歸忝今華顛
與君駕鴻乘紫煙我如蔡經爲地主君若方平相往還
何必鐵橋瑤石始可容神仙

追和劍峯同宿東林寺詩

谿風吹客寒遠宦心已歇堂上三人笑塵容迺來謁游
山逢謝公有興約明發魂清不能寐遙指石門月

東林寺羅漢松

蓮社虛無人畱此一尊宿巋然同五老相望鬚眉綠想
當侍遠師長未三尺足身是菩提樹已非凡草木仲堪

臨北澗僧徹嘯南麓師也摩其頂千年繕性熟無心弄
神通變化駭流俗老態益婆娑支離復拳曲氣作香鑪
雲聲如石梁瀑六朝梁棟材摧朽何太速

珠江櫂歌八首

君家船尾一盆草儂家船尾一盆花草是相思花解語

春風何忍負芳華

蚤人有女未聘則置盆草于梢以致媒妁男未聘則置盆草于梢以致媒妁

東亦有樵西有樵兩樵相與爲誰嬌

卓文君白頭吟郭東亦有樵郭西亦

有樵兩樵相推與無親爲誰嬌粵有東西樵二山

請郎分截一枝竹賭婦潭邊

試水漂

賭婦潭在龍門又博羅蘇村管有一嫗偕女采薪憩石下臨溪澗令一少年截竹尺許剖爲二

次弟段于淵誓曰若二竹流合爲一卽以女妻之二竹果合遂成昏焉因名合竹洲賭婦石

浮山來與羅山合西峽遼將北峽通
郎自渡江儂渡海
那能萍水不相逢

歌仙管有劉三妹白鶴少年同戲游
郎唱摸魚儂踏月
摸魚踏月皆粵人歌
郎歌如勝過郎舟
蠶人嫁娶必唱歌昏夕兩舟相合男歌勝則率女過舟

素馨花是素馨身脈脈芳魂戀望春
畫舫宵來張翠幄
問郎可似漢宮人
夏月多以縷穿素馨爲帳幄

海門月上海如鏡郎是海珠儂海印
儂心可得印郎心
珠在波中光不定

波羅江上錦帆高南海祠中奠濁醪
每歲四月間事
妾有多年

心疾在阿誰能與玉龍膏

別情洲畔與郎別

別情洲在增城

爲問此行何日還但願君爲

思鄉水

思鄉水在廉州

莫教妾作望夫山

望夫山在肇慶

題宋本紹興策士題名錄

紹興科舉奚足論秦熺舉首還秦墳寒門亦有陳誠之
策主和議乃狀元茲錄大書十八年是時割地方稱藩
發策居然慕光武且將遠邁于周宣諸侯何以會東都
威儀何以見漢官本無得隴望蜀意卻誦吉日車攻篇
檮中三百三十士不知對策如何言中土英才阻聲教
東南之美安能繁五甲標名有朱子時已禁學程伊川

文公得弟頗僥倖終不大用宜其然狀元王佐者何人
文章政事皆無傳五色雲中想忠獻百花頭上思孝先
豈知養士終獲報一代結局文文山

寄甘亭

不見彭生久聞生益坎坷其人其文章種種與時左生
平除讀書萬事皆懶惰金陵貢院門咫尺足常裏矧乃
貴人弟掉頭肯一過兼金或爲壽無處不可貨亦有勤
治生生聞必笑唾無嚴于諸侯未以一豪挫顧獨媿其
婦剛彊變柔悞畫眉助晨妝熨體供夕臥雖然得婦歡
而忍使婦餓打頭屋三間寒風吹土銜揮豪日吟哦婦

以飢腸和當時所尙文抵死不肖作慷慨或燕歌幽悲
或楚些賦或同揚雄詩或同李賀世皆笑棄之生不憎
勞瘁誓與古作家巍然參一座簪者嘗謂予知音子一
个朝暮題襟館以斯相切磋別來五六年光景蟻旋磨
吾衰少精進生學彌遠大千里期不來知難具鞍馱生
則固窮矣吾愁何日破

讀劍峯仙鶴鷓鴣二謠戲爲解嘲

鶴飢笑鷓鴣汝與吾同飢銜魚古查上

王右丞句

何乃辛苦

爲鷓鴣對鶴語汝欲成仙忒飢來不能飛亦復不能舞
汝三世間有何補不若吾飢能報主鶴謂鷓鴣莫漫矜

吾與汝曹俱眼明杜捕魚能事汝誠盡歲暮寒潭魚不生

好月篇

胡香海自順德寄詩有云心如好月喜團欒非香海相知之淺不能道此語作好月篇

好月好月明明可掇欲問青天爲何而闕天應有恨月自多情冀纔落罷魄又哉生魄之哉生纖纖玉鉤何時輪滿思倩人修穆穆浴金團團成璧浮雲忽來天陰如墨晴日苦少陰日苦多月不常好憂如之何月有好時人有老時百年好月柰何別離玉殿珠宮霜縞冰淨婕

好裁扇公主分鏡征人關山思婦樓間音塵曠隔唱徹
刀鏃陳王西園賓客多故中夜不怡乃徵月賦

僕以服酒養生法授香海而香海勸僕專服黃精

感賦一篇質之顧江二子

所爲祝融客結託于老人老人一星照汝我雙鬢蕭瑟
都如銀我聞建德之國多遺民我今有糧又有隣旣不
能夜赴羅浮同鮑靚又不能晝讀道書如張津吾有大
患吾有身乃求靈藥希長春往時輕笑秦皇及漢武今
信方士之言真或言周孔皆爲此孔子至今猶未死會
讀夏王靈寶書遂爲太極上真矣孔子不可希上希地

樸子君餉我瓊芝我餉君玉醴柰何人言蓬萊不養才
才人自古皆塵埃嵇康石髓那能食韓愈玉丹難入懷
寸田尺宅不治生雕肝啄腎搖汝精五金八石可徒恃
先師應廢黃庭經與君從此戒文字心要太平無所事
莫貪世有鬼才名但作仙人玉樓記顧生江生同此蔽
試與言之首肯未

木綿花曲

珠江二月風花似木芙蓉越女當戶織玉顏相映紅
越王臺上鷓鴣飛越女攀枝淚滿衣瀕海年年望烽火
良人征戍幾時歸

和劍峯初嘗挂綠荔枝一絕

綠珠無意逐紅塵，
向唐宮嬪太真。

挂綠後熟，恐太真當日未必嘗也。

風骨傾城今一笑，
先生願作嶺南人。

送鄭漁帆司馬謝病歸吳門絕句

洞庭歸去一閒鷗，
明月蘆花萬頃秋。
迴望嶺雲如墨色，
爰居時有避風愁。

香海以黃精煮酒相餉戲作長歌報之

子欲長生當服山精，
子欲長生當飲太平子。
全酒而全於天，
兮知積功之有成。
扈謙常作魏我醉，
卻憫癡人日蕉萃。
昨夜忽呼祁孔賓，
十漿先以五漿饋。
紫作河車色。

清如沆瀣氣知君餉我誠有意獨成仙太憊太孤欲我
元洲共遊戲吾固幽憂而多病兮曷若采藥于荒山之
陂恐習氣之久昏兮似東坡之啖芝君亦奈何俗緣未
滿新有姬人怨君服散逆愁高飛向紫煙江總句羽衣羅
襪期聯翩儻子雲車不能駕何須玉酒幾千年

送吳巢松還江東兼寄楊甫甘亭

君處東海吾南海雨散星離今十載忽如蓬萊一股飛
來與瑤石相因依麻姑玉女二峯在羅浮一通訊不覺新霜

生兩鬢餘杭美酒且盡歡水淺滄溟夏休問憶君簪登
越王臺大笑領表無雄才廣利祠中擊銅鼓旭日翻出

珠江來惠州戰場新鬼哭連天潦霧嗟哉毒醜酒臨風

愁氣銷春溫數語回寒谷

並見君集

昌黎碑版東坡詩千古

海外爭恢奇後有作者復爲誰看君力與先民追韓蘇
不幸遭斥放君奮鵬翼超天池十載重來景依舊長卿
記得題橋時君方壯歲才如此吾蚤不如今老矣承明
著作方需人青眼高歌望吾子

杜句

海內才人吾日疏君

今北公欲附書且問王彭兩隱居停雲詩思當何如

酬楊星園前輩

樓船將軍下石門日南郡始歸中原而

今太平不用武觀察乃得將軍孫公治越人務以恩越

人感之過將軍卽論詞翰亦殊絕家家屏障求公文

毘陵三楊吾素識豈知公也尤無敵

煥向與西河蓉裳
荔裳交識君恨晚詩

攻元白出偏師帖仿鍾王亂眞蹟常時一領舊青衫
衫袖淋漓盡沾墨西河荔裳今已矣喜公七十頭未白
往年北渡桑乾水卻下黃河汎彭蠡老來瓊海夏揚帆
曾次汪洋一萬里酌公大斗之春膠看公酒後興轉豪
揮豪意氣搖五嶽越王臺上秋風高

送崔雲客同年觀察汝南

卅載一相逢半載又言別人生作仕宦眞似鴻踏雪仕
宦非所貪各有親白髮殷勤三釜養相戒采蘭潔顧我

無吏才嗟君實邦傑

朝廷重其器器大須晚達此忝慙人望況君念貽厥乃
祖乾隆中嘗持汝南節碑存淚猶墮樹在愛所芟據石
薛元超拜像曹文烈纘戎必無忝豈但夸闕閱吾知汝
南人父老相扶挈迎來新使君盛事喜傳說安輿有封
翁面貌記髣髴生長在吾土妙齡卽英發今越七十年
吾儕幸重謁使君日趨庭還似翁少日使君又多男堂
上足娛悅吁嗟仕宦者幾輩與君同臨岐贈君言忠孝
兩無缺

冊亨從軍歌爲雲心題圖作

漢家巴蜀民謠哀不畏虜來愁尹來日南象郡亦常叛
張喬祝良真吏才蠻夷不反誰激反反者有辭心憤懣
兵起驅民更從賊可憐賈父來何晚往時吳牛生石
八月保兵鉤連老師糜餉經二年妖人處處乘間發黔苗又
起王囊仙

天子聖明定要服不徒擇將擇守牧曰咨學士惟汝賢
與汝巖疆剖符竹將軍西出盤江關君請論事弓刀間
王師之過若時雨討賊先使良民安此邦十室九流徙
存者必死於飢寒願入谿崗散財粟親起溝壑收凋殘
將軍奮武旋平蠻從軍大半遷高官春陵賊退誰有作

賞雨茅屋詩集

卷之九

主

辛酉補刊

杜甫獨憐元次山

晚來

晚來霞起赤城標
髣髴神仙會
九霄望氣有人知
老子乘雲何處下
王喬瓊華五色山
真現丹竈千年火
正燒或道青紅浮海屋
須臾天霽霧應消

賞雨茅屋詩集卷之九終

寶雨茅屋詩集卷之十

盱江 曾煥

古今體詩七十二首

七月四日會客光孝寺虞公祠諸公皆紀以詩奉

和一首

南風吹海熱古寺不受暑客至心始清
訶林過新雨滄桑幾變柯葉猶初樹
僧後白馬來人從赤烏公佛法雖流傳
吾道自千古蠻俗知有學仲翔實初祖
諸公振宗風上可繼鄒魯彼教今無人
誰爲慧能侶吳都二千年向日開北戶
矧然

昇平時瘴鄉皆樂土韓蘇非等意
山水足容與仲翔倘
有知醉汝以清醑

颶風簡北來諸子

海從鵬翼運風自虎門來
蹴石飛馬峽乘潮過越臺
山川皆霸氣天地此奇災
定有蘇公賦歸心首重迴

觀潮曲

潮爲何而來朝朝復暮暮
坐見弄潮兒青鬢忽衰素
錢唐江頭八月中乘潮會
渡嚴陵風揚子津邊十五載
待潮屢倚瓜州篷茫茫海
今年適吾似早潮晚當退
浮灘浪迹又南溟來往看
潮何日可

中秋夕寄蓮裳芙初

今夜揚州月愁君倚畫闌
江河千里合天水四圍寬
歌吹聲應少煙花夢已殘
仙人相顧起鶴背不勝寒
樂毅空售駿劉生罷鑄金
文章爭算景風露入秋心
照客天邊鏡懷人海上琴
題襟當日地寂寞對花陰

明月篇酬王香谷中秋見贈之作

雨腳纔收雲片脫寥天一碧
湖波滑嫦娥有意作中秋
人世同時拜明月拜月誰家
紅粉闈望仙樓對影娥池
庭中小立霓裳隊庭下新生
桂樹枝翩翩衣帶隨風舉
簇簇香鬟作霧吹班女
淡情看團扇彩鸞嘉約待遊帷

此時默祝兼私語陌路悠悠安得知別有西園貴公子
飛蓋追隨盡名士亦有南樓賢主人據牀高詠同僚史
水木清華丹轂問江山壯闊金波裏況聞玉署高日寒
撤燭張筵又蘇李此時處處會神仙秋月何嘗不歡喜
越王臺上月尤明越王苑中絃管聲獨有畸人甘寂寞
詠詩終夜似袁宏

香海以僕許爲序詩枉贈長句次韵奉答

行間細字列星編紙上清光片月圓君奏琴聲方宛轉
我如漁父自延緣倡酬舊雨兼今雨鞦韆迹吳天又楚天
忽忽兩人皆老矣太工詩句恐妨仙

君方勤僕
同學道也

戲和香海石生秋鶯一律

詩人老去感秋鶯，闥裏應傷別後情。
折柳橋邊春意盡，停梭機畔夜寒生。
風塵易減金衣色，臺榭閒拋玉管聲。
寄語丁寧好相待，江南草長是歸程。

九日越秀山宴客醉歌

曾生舉觴爲客壽，今日天人共長久。

魏文帝書九爲陽數而日月並應俗

嘉其名以爲宜于長久云云是日客爲周伯恬李紹仔顧劍峯江石生張南山王香谷周肖生胡香海僕爲主人恰九人也休如宋玉苦悲秋，且效陶潛歡酌酒。君不見木

末芙蓉朝來澹白晚來朱。

嶺南芙蓉多有一日變數色者僕署中花卽如此

又不

見籬邊菊五日開花九日無。

嶺南菊花開于端陽前後

眼前百物盡

荒幻何異海中樓閣乎況聞南越自稱王高築朝臺此
山上上接五星南斗明下俯三關北門壯桂蠹爲器錦
爲帳龍眼荔枝兼蒟醬當時黃屋耀蠻邦幾日明珠出
幽壙高臺一圯千餘年驚沙亂起飛蓬旋使我弔古心
茫然人生富貴何足言願得諸君放志意登高飲酒可
以求神仙遙見鶴舒臺上鶴招來與我翔寥廓雲中儻
遇安期生好向元洲同采藥

越秀山見月有感

漢代一輪月今猶照越臺臺荒秋氣冷月上海潮來蠻
地疑霜雪中原隔斗台驚心牛女分暈合未全開

時洋盜
告警

題王野樵泥金畫竹

秋風瑟瑟吹亭皋，王郎遠客心煩勞。
千枝萬葉出新意，寫作美人金錯刀。
古人惜墨如惜金，渠不惜金但惜墨。
空囊歸去太羞澀，且與妻孥燒筍食。

題王野樵聽鐘軒集

吾邑詩人工五言，寶琴館後聽鐘軒。
寶琴館陳伯璣所居也。麻姑

昨赴方平讌，仙樂滿空山月寒。

三日醉芙蓉，歌簡諸友。

嶺南木芙蓉有一日白花，次日稍紅，又次日淡紅者。

名三日醉芙蓉。

嶺南萬戶春風長，酒前無日無花光。
大含笑與小含笑。

七里香兼九里香

皆花名

就中有花真拒霜霜變五色爲

天漿三朝三暮花盡醉似勸佳客添壺觴神光離合不

可量初見玉色冰肌涼旋見春潮暈生臉漸如芍藥如

海棠得無瑤英宴王郎碧雲樓上嬌倚粧

見胡微之芙蓉城傳

或

者慧妃陪孟昶錦官城上華筵張花猶日日在醉鄉秋

氣不到天南方人生何爲矜獨醒徒攀木末悲沅湘春

紅冬白月月黃

皆酒名

酌酒勸君非酒狂君不見過江三

日周僕射又不見仙人三度醉岳陽君能日日對花飲

百年不過三萬場況是衰顏借酒力看君轉少如春芳

和劍峯游白雲山

安期已帝鄉白雲尙巖際日日與之望悠悠不我請暫
分一城雨曉起數峯霽君獨揆雲根歸來溼衣袂

簡張南山

君近結廬於
白雲山中

一片出山雲歸來抱幽石城中人不知但見數峯白遠
期來鶴處清夢落泉夕君何以療飢言采菖蒲食

星園前輩作詩好疊次和人韵有疊至十數次者

奉贈一篇

昔者聞王筠獨取強韵押後來韓退之用韵慣趨狹復
有段文昌聯句分苦雜

段文昌云子嘗與客聯句或窮
韵相角或押惡韵謂之雜聯若

志於不朽則汰揀穩韵無所得
輒已謂之苦聯見全唐詩話

要祇成單篇未嘗見酬

答元白始相窘

見珊瑚鉤詩話及香山集

蘇黃亦相壓車斜兼瘵絮

半粲與汁鴨此類究不多往反惟數而楊公過前人筆
陳得兵法多多乃益善百戰未官恹陷盾子當窮因糧
我不乏楚材皆晉用毋令主盟狎譬之老樂官諸器並
能合有絲彈卽妙有孔吹便協陽關或四聲霓裳或三
疊驃國樂尤繁二十八轉摺使我讀其詩耳目疲應接
有如入名山前後峯合沓屏風張廬阜雲夢望巫峽羅
浮煙雨中峯有四百卅又如汎曲谿武夷及茗霽風皺
水鱗鱗帆飛雲葉葉村落與花樹千迴作開闔是爲炙
轂才而擅雕龍業因難而見巧又以見博洽況如崔立

之朝暮千首捷頃刻變青紅蛟蜃幻吐飲一時倡和者
望見盡心懾我詩尤拙鈍君境不敢涉

簡周伯恬

非人遠青山青山實遠人君家善卷洞不得安其身往
時孔穉圭嘗笑周彥倫詎知米與鹽志士多艱辛千里
就南食腥臊面汗駢勸君勿汗駢聊且爲獠民君看君
鄉隣劉郎已搢紳

謂笑初

長安居不易浪蕩江湖春

贈江南諸客

炎方木亦落天地始蒼涼鴻雁忽踰嶺
嶻嶻思故鄉故鄉消息來七月先有霜

此吳中近事

游子心鬱紆去住皆迴

翔日氣曉來白海雲昏後黃何以緩客心緩之須急觴
懷哉陸大夫高宴越井岡能令千載下儒生猶激昂

答南山秋夜獨坐見懷

月上君家松樹枝是君孤坐苦吟時坐淡落葉蕭蕭下
吟罷寒蛩切切悲老境侵尋千夢醒愁心輾轉一燈知
誦詩惟有雲泉興舒鶴臺邊與子期

答來詩末句意君
近築雲泉山館于

白雲
山也

香海和秋夜之作次韵奉酬

不論芳蘭與艾蕭秋風秋雨日淒寥年華更漏忽忽轉
才思蘊香漸漸消樹杪迴翔憐倦羽江邊浩蕩羨歸潮

故人幾輩晨星在，獨倚樓闌望碧霄。

次韵答香海見謝和作

羗無事業報升平，但有文章發性情。花月與人娛草景，
蛩螢不自解秋聲。爲耽酬句冥冥索，常捧來篇旋旋行。
眞箇酸鹹殊俗好，狂雲夫是退之兄。

再次前韵簡劍峯石生兼示香海

東野柰何鳴不平，天驚石破總無情。酸寒詎入時人眼，
寂寞空留後世聲。搖筆筵前花共發，尋詩階下月同行。
苦拋心力看公等，白髮他年似老兄。

和香海移居

以余游宦輓念爾浮萍迹春風一雙燕

香海攜妾同寓

秋盡尙

爲客有約結隣公田園共晨夕又見故鄉人紛紛出行

役

寒和香海

日短志士憺天寒海水知冬心增老景春氣憶年時南

雪自茲見

粵人以霜爲雪

朔鴻何處飢枕榔風滿樹吹得鬢如

絲

旣和香海移居之作因感坡公在惠州和陶移居

詩亦次其韵以贈香海

吾生亦寓耳何者是眞宅烏鵲恆棲棲繞樹日之夕大

塊非我勞我自爲我役豈無安閒地到處不煖席比隣

屢得新賓客半非管太息陶公言田園久離析

陶詩田園日夢

想安得
久離析

讀公移居作復讀蘇公詩可憐和詩者望古心折之子
能棄一官庶幾有遐思江湖信所適何地非樂時我志
與子同形迹猶戀茲西溪舊鷗鷺訝我前言欺

見梅花簡張南山

浮出谿邊月

白雲山
有月谿

吹成嶺上雲山深宜處士花發爲

夫君醉向雪中臥香從人外聞此時蒲澗寺惟與鶴爲

羣

梅花始開簡香海

園童忽驚報冰雪見來新氣洗蠻方熱香生舊歲春我
思為翠羽卿便是佳人花下同歌舞逡巡月滿身

送劍峯之武昌兼寄劉澄齋陳愚谷二首

武昌門外柳君到眼初青芳草連雲夢春心滿洞庭蘭
旌臨水望玉笛倚樓聽知爾晴川上懷子浴日亭

歲晏孰華予梅花照索居折梅寄江北聊當故人書海
內才皆老塵中鬢日疏煩君問黃鶴相憶比何如

又贈劍峯

茲別昔嘗有此才今所無寸心千古遠半世一樓孤

君著

有寸心
樓集

江大愁難沃風春病不蘇誰爲張謂者觴爾漢

陽湖

周南卿游羅浮還至廣州以石刻坡公像并黃精
雲霧茶卓錫泉三種見贈賦詩謝之

蘇公學佛又學仙欲參慧能尋稗川乃云仙山與佛國
終無是處吁可憐白鶴峯頭芽一椽形影贈答風蕭然
燕天焰作照海燭鏡裏像同火上煙自知身匪金石堅
須了無生一大緣大瓢春甕分水泉小圃神藥羅芳鮮
種茶鑿井復勞苦聊作兒戲銷餘年鐵橋石柱雲縣縣
朱明洞接蓬萊天我疑至今風月夜公駕白鶴來翩翩

子昨游山果遇公公顏入石精神全汲公之井撫公樹
此意可以相周旋我不入山公所笑老矣世網猶拘牽
子來爲我醒春夢使我神往豐湖邊

湯生歌贈騎尉

貽汾

班超傭書投筆起丈夫當效傅介子湯生年少亦書生
今作百夫之長耳朝從將軍汎樓船暮歸蠻府飛華箋
八分書似刁斗銘

涪陵有張桓侯入分刁斗銘

千首詩過交河篇

賀若

弼贈源雄詩交河驛騎幕合浦伏波營

日南半壁天海空山川形勢全在

曾興來揮寫著絹素咫尺萬里乘長風武夫中有湯生
否學士文人猶落後可惜湯生好身手但與吾儕爭不

朽偏裨何日樹功勳金印懸來大如斗

題湯雨生秋江罷釣圖絕句

簪日漁兄復漁弟記同君釣同君醉今尙唱君漁父詞
不知君作騎都尉

送伯恬入都順歸省

行路不辭難斯人若此寒到家翻似客入國詎求官事
業人巫老關山歲又闌別情無可贈珍重好風翰

劍峯南山石生香海皆見和梅花詩戲集司空表

聖詩品答之得六首

晴雪滿汀落日氣清虛佇神素若爲平生

娟娟羣松左右修竹奇花初胎可人如玉
明漪絕底明月前身蕭蕭落葉蓬蓬遠春
清風與歸獨鶴與飛如覓水影冉冉在衣
窈窕淡谷月明華屋忽逢幽人黃唐在獨
書之歲華著手成春如有佳語庶幾斯人

宋三大忠祠行

祀文信國陸丞相張太傅

白天雨至星北流當年蓋海來承劉祖宗創業何神武
將相成名亦壯猷嶺南一道潦兼霧有罪之臣方謫戍
天家龍種何爲來來此更無容足處二百餘縣六十州
不如劉龔能割據勤王可惜數公忠卻倚匡門擲孤注

厓門四壁波連天日月顛倒風雲翻
鯢鱗短狐王虺鸞黑齒棧齮鱗斑
爛戛笑迭怒紛巫誕巫咸何處招其魂
陸張同死則已矣苦絕文公獨遠死
欲從地下尋故君南望關山七千里
孤魂縱使化精衛銜石焉能填海水
吁嗟乎三公不爲開國勳復不爲中興
佐命臣千古功名有天幸韓王趙魏國張浚彼何人

虞夫人廟行

在香鑪峽

香鑪煙氣三江遠千載江流石不轉
夜來風雨暗蠻天朱衣白馬神猶顯
昔爲城下杞梁妻今作中洲湘水妃
門外木棉花一樹樹頭日日杜鵑嘯

三峽謠

一灘復一灘莫放紙船下

粵舟汎海者謂之鐵船紙人自廣州至韶州者謂之紙船

鐵人不愁見眠羊惟愁見飄馬

眠羊石在大廟峽江中諺有朝見眠羊估客燒香之

語而粵盜之雄者名曰飄馬

一篷復一篷

粵舟有二篷一橫一直每當逆風挂之諺有廣州大滕艫使得兩頭風輪一篷巖一

篷之莫令鐵人上不愁風八字

風正曰八字有前入惟字風後八字風之諺

愁馬幾兩

盜名曰馬而每十人爲一錢百人爲一兩或問幾何馬則曰幾錢馬幾兩馬也

拱北樓刻漏歌

延祐五年臘月始瀉此壺中一滴水至今涓涓流不已

一萬七千餘甲子倚樓南望波際天滄溟屢變爲桑田

朝菌蟪蛄真可憐
摩挲銅狄誰齊年
紛紛豪富互相競
鐘表買盡西洋船

答劉孟塗

潛山不得潛浮山
若常浮自君出山來
十載懷離憂少年
惜青鬢傷春又悲秋
他鄉見明月酒醉題江樓
大呼謫仙人天上知
我不我與公同謫
亦與公同愁

以上並見君詩

集中眼真空四海氣欲隘
九州當時少賀監
何日登瀛洲
爲覓安期生汗漫
來炎陬庶采菖蒲食
不令君白頭

冬日示諸客

雲際斷征鴻
南天到此窮
四更先海日
十月尙炎風
落

冥為孤宦招邀得數公氣凌湫隘豁語洗瘴煙空跨鶴
尋仙路呼鸞問故宮草常延夏綠花已雜春紅醉醒貪
泉上歌謠犵鳥中金難裝陸賈纓欲請終童

朝宁方憂盜蠻荒易伏戎屯兵虛左右飄子自西東盜

東飄子西不過因貧乏何嘗異覆幪刑誅嗟命賤撫字

仗年豐才俊偏羈旅衰庸奈老翁歲華看晚晚感激寸

心同

與香海論詩

香海極推杜詩又云上水遣懷一篇無人拈出

實奇作也因用其韵奉贈

前輩才飛騰必從氣淡後艱難得爽豁變化出腐朽山
川蒸物華醞釀固已久看君苦用心所以今白首尊酒
醬論文說杜終在口藉匪知其意曷由明授受草堂算
年詩流俗嫌老醜君言更斌媚索解是誰某瀟湘與洞
庭萬古蕩南斗孤舟一病翁雲夢吞八九前不見屈賈
後不見韓柳高興激荆衡杜句浩歌孰爲偶學之如撞鐘
大小從人扣一得已鳴世軒然稱作手小兒病未能乃
曰吾弗取撼樹如蚍蜉亦曾自量否吾觀杜句恣今日
君多有想當下筆時一字不宥苟棲棲吳越間僕僕牛
馬走懷抱何以開江山餉君厚

蓮花博士歌寄吳蘭雪

夜夢蓮花博士來語余萬頃芙蓉開邀余酌酒芙蓉裏
手掇明霞弄秋水風吹人夢醒餘令人惆悵思香蘇
君草不知博士罷官後何處有酒分千壺憶替江南同

采蓮平山堂上花滿筵花氣能令君盡醉時以碧君詩

笛勸客

妙與花爭妍惟君合是花中仙十年分散如雲煙君之

自號或因此清夢猶在紅橋邊笑我年年作生日僕以

六月

廿三日生胡香海贈詩有生時世一時傳徧詞人筆豈

界盡蓮花之句一時和者甚衆

知斑鬢日蕭蕭已似殘荷秋瑟瑟君如見面定心惻願

君善保冰玉質蓮花十丈間可攀便當同去尋名山

前意未盡復作一歌寄之

長安一官冷鄭虔誰能日日與酒錢不如鑑湖一曲好
投醪沈釀連長川中有荷花三百里仙人綽約多西子
昨聞待汝修花史幕府宏開泛綠水知汝病渴如相如
月給汝酒凡千壺壺中風露清而腴足以澆汝胸中書
卻愁醉後輕舉止幸勿座上狂歌呼仙人官府澆不疏
酒闌花謝歸來乎

歲暮贈柳

鬢樹終年綠如何人易衰病多吾有患歲暮爾無知池
館常眠起關山任別離春風今又到吹得鬢絲絲

題孟塗游仙詩後孟塗請凡遇郭芍藥贈以自寫真容一幅

天上仙人故多怨天姿絕世無人見人間才子亦含悲
入盡不知天上知千劫因緣會俄頃君畱詩句我畱影
日與多情種子看此才此貌居何等

送孟塗還鄉

廬下孔雀慣南飛梅嶺賓鴻已北歸慈母堂前望游子
到家猶及舞春衣

送珠江必權圖送紹仔還鄉

東風幾日到東灣弱柳新條未可攀江上何人吹玉笛
春愁頃刻滿三關

上元夜

關塞秦時月園林外國花燈光搖寶玉人影雜龍蛇香

霧迷三里

臘底新年
香市最盛

春風醉萬家

蘇詩雪花浮
動萬家春

鬪柑筵

下客

粵俗正月
鬪柑爲戲

拾翠水邊娃

拾翠洲
在珠江

舞劇爭騰趨歌聲

不嘔啞時遭飄子掠且喜慶頭奢

觀燈者持瑰
異物爲慶頭

富室於

今少蠻風自咎華冷煙和溼雪淒絕漢宮斜

謂花
田

送石生歸婺源

高堂正夢君不敢憺離羣祇怪三江遠都從一嶺分

日來

作別皆
吳楚人

馬頭初漲水

羊城泊船處
名天字馬頭

龍尾欲歸雲去路多

化樹流鶯何處聞

爲客題石湖歸釣圖三絕句

海邊朝夕暨魚風，汎宅浮家駭浪中。
與子商量投釣處，漁人祇合在吳淞。

白沙翠竹紅芙蓉，中有甫里先生居。
請君莫但作圖畫，真到石湖畫不如。

一竿一笠已隨身，拂盡天涯衣上塵。
他日扁舟誰過訪，青芝山下種花人。

得劍峯武昌書

寸心天下幾人同

劍峯著有寸心樓集

獨撫春醪悵望中，客忒梅

花飛亂雪書來蕉葉展，新紅羅浮何苦輕離合。
湘澧多

愁爲雨風寄示洞庭阻風詩一首

昨歲此時南海廟五更共看日

瞳矓

游白雲山

白雲乘元氣萬古不銷歇無論秦與漢區區況南越我

頃游咸池陽阿正晞髮

南海廟登浴日亭觀日出歸路遂登此山

雲來捧我

行竦體上瑤闕左手摩明星右手捉羣月

山有摩星嶺月谿眼

前銀河水倒瀉作溟渤中間九龍飛雲氣更蓬勃霖雨

徧天下俯觀萬象活

山多瀑布有名九龍泉者

仙人安期生跨鶴乃

來謁食我以菖蒲一寸十二節謂我咎徐盧蓬萊未嘗

達子今能自至知子有仙骨

留春草堂歌酬伊墨卿

先生留春花滿關春留先生不出山世閒何處無景物
未若草堂春意閒人不留春春亦闌衆芳容易凋春顏
似聞管時歌舞地幾日便已蕪榛管先生草堂三四間
一木一石常盤桓前年到惠州惠人遮道仍亟還去年
到揚州揚人攀轅未許攀昨來舟過十八灘有詩持與
曾生看篙師辛苦何時歇三歎先生警我頑見示灘行絕句云用盡篙師辛苦力始知竹外草菴閒

和墨卿寒食小飲

春與人俱老人如春太寒自然游興減會約游白雲山不果況是

宦情闌薄酒膏騰醉餘花鄭重看天南何氣候風雨每
無端

墨卿去年於杭州西谿消夏有詩及圖頃以示余
悵然書感

三年居瘴鄉日日如夏日君爲我招涼授圖認山色秦
亭七十峯煙翠尙如簪卻覓我行處谿邊無我宅君心
古蕩清入西谿處
名古蕩我鬢秋雪白谿多蘆花
有秋雪菴君日對谿漁
焉能不我憶

題陽山石刻韓文公像

謂佛骨凶穢謂仙家童騃雲使衡嶽開宅使鱷魚改權

門爲之抑悍帥爲之餒公氣塞兩儀水無地不在矧乎
蠻縣人遺愛追茂宰生子以韓字厥意積綿載桐鄉神
必戀峴首淚猶灑影像何儼然冠纔學者崑大哉此腰
腹中有六經匯手扶雲漢章佩結飛霞彩含咀皆英華
自澆其魂磊奮猛力排莽乾坤困雷擺百川倒狂濶障
而東之海雖稱骨相屯未覺容貌儼道勝氣亦充此其
所以乃想在貞元閒岌岌國幾殆天旱民薦飢朝猶重
貨賄宮市縱娛戲閭閻窮括採諫官忍舌結宰相翻牙
款謫逐瘴癘鄉治長信非罪公陽山本窮邑管者尤慕
猥城空鮮居民官孤鮮同宗睢盱對猿猴屢飲盡螺螄

獠獠多忿爭毒蠱在菹醢公食不盈腸公衣恆峭腿公
以政事暇讀書心不怠有山嶂巉巉有水石礚礚晚菊
或餘花新篁或舒筴課業雖無符寫詩亦無買惠靈酬
酢熟區實過從每公窮乃益堅老去不知悔僥倖得生
還狂慙彌可駭風暴以文訟月蝕以辭解凶狡憎訓狐
嘶鳴鄙駑駘疾惡如鷹鷂觸邪如獬廌伍文纔斧鑕縛
吉又鼎鼐悽悽送窮文悒悒進學解牛斗安能神簸揚
箕未罷頭童而齒豁感激激氣還倍要使風俗淳育令名
節灌上焉規姚姒下焉繼元愷阨窮則軻雄百世遙相
待秦岱與魁杓至今士模楷寄語打碑人勿將泥土浼

爲葉雲谷題王元章梅花絕句

山農煮石君友石

雲谷齋名友石

惟有此花宜石腸何不移家

剡谿公谿頭煙景勝螺岡

廣州螺岡多梅花

老屋

某家不須問因姓已名村籬落如圖畫比隣皆子孫苔
添殘壁色燕識舊巢痕聞道烏衣巷屢更王謝門

老樹

爾豈不材壽曾無匠石遭門庭風色古村落雨聲高黑
夜疑神降青天有鶴翔行人坐其下自愧若蓬蒿

雛燕

盧家眼忽驚雙燕養雛成已覺追飛熟還

人今漸老香壘昨初營知汝如年少相將最有情

雛鳧

浮水葺葺綠遠疑秧始生遨嬉小兒愛辛苦老翁成未
可逐羣鬪已能呼自名風濶隨處有力弱始知驚

制府蔣公重臨潮州有詩四章示官吏及士民因

次首章元韻爲獻

傳唱新詩徧海涯尙書筆健拔鯨牙守官心事如元結
賦海才情亦木葦蔽芾陰濃還芟舍苞苴禮絕敢投瓜

彼都人士思公久爭怪春燈吉語誇

潮人競以吉語
書燈額迎公

賞雨茅屋詩集卷之十終